

欽定盛京通志

欽定盛京通志卷之七十九

國朝人物十五

鑲白旗漢軍

鑲紅旗漢軍

魏孫遊擊軍

魏白遊擊軍

國陣人陣十五

欽定四庫全書  
卷之十九

欽定盛京通志卷之七十九

國朝人物

十五

(鑲白旗漢軍)

王元忠。隸鑲白旗漢軍。守鳳凰城堡。天命六年。鎮江中軍叛降毛文龍。元忠獨來歸。授佐領。世職。後明降將內有與明通謀者。元忠發其謀。擒斬之。又追殺逃叛。生擒哨卒二次。天聰八年。以戰功授叅領。加世職二等。順治七年九年。兩

遇。

金定歷夏通志 卷十一  
恩詔。加世職三等男

尙好仁。奉天人。隸鑲白旗漢軍。崇德五年。我軍圍錦州。好仁擊松山明兵。敗其衆。七年。復圍錦州。功居一等。尋管佐領事。八年。從征明中後所。前屯衛。皆有功。順治初。加世職三等輕車都尉。官浙江溫州鎮總兵。卒。祭葬如禮。

呂應學。奉天人。隸鑲白旗漢軍。父國寶。隨耿仲明航海歸誠。應學于崇德六年。授二等副都統。世職。八年。從征明。攻中後所。前屯衛。督巨礮克

之。順治元年。從入關。六年。從征廣東。斬僞總兵楊杰。周齊。王啟科等大捷。敗僞伯馬養麟之衆於靈山。擊僞晉王李定國兵于高明。新會。連敗其黨。十四年。敍功。授三等子。

高國相。廣寧人。隸鑲白旗漢軍。父中選。明乞休遊擊。天聰八年。國相隨父來歸。初任佐領。崇德八年。從克中後所。前屯衛。順治元年。隨入關。二年。西征。至陝西。克延安。追流寇至湖廣。並有功。六年。隨征山西。叛鎮姜瓖。克大同。朔。汾等處。累

金定... 卷之十一  
加世職一等輕車都尉。十二年。征海賊鄭成功有功。十六年。駐防京口。康熙十三年。吳三桂等叛。隨征江南徽州等處賊寇。屢有功。又破吳三桂叛衆於武崗州楓木嶺等處。十九年。任杭州副都統。致仕卒。

賜祭葬。

馮有功。奉天人。隸鑲白旗漢軍。官佐領。身歷戎行。崇德八年。從征明中後所。前屯衛。克之。順治元年。隨平山西。追敗流賊于湖廣武昌。獲戰船。

七年九年兩遇

恩詔。加三等輕車都尉世職。子國相。康熙中。從征厄魯。特噶爾丹有功。官至都統。雍正十年。入祀賢良祠。

朱延禧。奉天人。隸鑲白旗漢軍。父世勳。天命七年。來歸。延禧授輕車都尉世職。順治元年。隨入關。同征叛鎮姜瓖。克復澤潞等處。敘功。累加至三等男。十一年。隨征廣東僞晉王李定國。擢副都統。十六年。駐防福建。康熙中。卒。



賜祭葬如典禮。

蔣國柱。奉天人。隸鑲白旗漢軍。順治四年授都察院啟心郎。十一年擢工部右侍郎。十三年調戶部左侍郎。十八年以副都御史巡撫山東。自明季重斂之餘。糧有包荒。役有雜派。國柱一切奏除之。民困以蘇。康熙三年調浙江巡撫。疏陳浙江寧台溫諸郡荒田招墾起科事宜。及分別蠲免被水田畝額賦。俱有經畫。悉心民瘼。茂著勤勞。卒于官。

賜祭葬如例。

白秉貞。錦州人。隸鑲白旗漢軍。順治四年。任湖廣黃州府同知。斷事明決。一郡質訟之事。咸願歸之。東山盜起。總督羅綉錦。委秉貞率民兵攻之。秉貞詳請勦撫兼施。凡四閱月。四十八砦悉定。康熙六年。累陞直隸。河南。山東。總督。所至多惠政。卒。祀湖廣名宦。

朱昌祚。遼東人。隸鑲白旗漢軍。順治十八年。授浙江巡撫。會浙東西災旱。昌祚捐金煮粥。以活

金定盛京通志 卷七十九  
饑民。時海氛未靖。並疏請酌撥荒田。令瀕海居民遷移內地者開墾。康熙三年。擢福建總督。尋以憂去。四年。起復。總督直隸山東河南等三省。昌祚秉性忠耿。端已率屬。嚴飭將士。兵民戢和。遇事執法無所偏徇。輔臣鰲拜以鑲黃旗。正白旗分地瘠薄。遣部臣會同督撫。重易善地。他旗多不樂從。民地被圈。咸泣訴失業。昌祚上疏極陳其弊。鰲拜怒。坐以撓法。立絞死。旗民哀之。八年。

聖祖追復原官。予祭葬。謚勤愍。

王宗聖。奉天人。隸鑲白旗漢軍。順治中。知江南之舒城令。詳慎明決。吏不敢欺。而獄無枉縱。案無積滯。邑當兵燹後。安輯流亡。惠威並著。吏民咸深感戴。卒。祀本邑名宦。

王國泰。蓋平人。隸鑲白旗漢軍。康熙十二年。爲福建福州府同知。值逆藩耿精忠潛蓄異謀。國泰偵知其陰事。每達於總督范承謨。有先事預防之智。後佐郡泉州。與民休息。遷本省驛傳道。

會耿精忠甫平。海氛尙熾。軍興旁午。辦應夫船。親自給價。毫不擾民。未幾。泉州告警。自請召募壯勇。得數千人。授以衣糧甲仗。身先士卒。奮呼擊賊。賊遂大潰。泉州圍解。敘功。增秩。擢安徽按察使。閩人思之。祀名宦祠。

蔣毓英。奉天人。隸鑲白旗漢軍。初任浙江溫州府同知。時海氛未靖。大軍駐衢。征勦。毓英悉心籌畫。輸運糧餉。仍加意撫綏。嚴行保甲。闔郡帖然。康熙二十二年。初平臺灣。調毓英爲知府。毓

英履任。躬歷郊原。披斬荆棘。經界三縣封域。相  
土定賦。罷不急之役。安撫番夷。招集哀鴻。臺地  
遂爲樂土。二十九年。擢江西按察使。時江湖多  
盜。剽劫商旅。毓英檄令各州縣查明船戶。編立  
字號。各給用印腰牌。飭令未晚停泊。守汛兵目。  
以五船爲一伍。十船爲一甲。輪流支更守宿。天  
明放行。由是羣盜屏迹。其讞獄必以情。常親理  
囹圄。寒冬酌給棉衣。尋擢浙江布政使。將赴任  
衆囚聞之。感泣數日。後卒。四十六年。入祀臺灣

江西名宦。

李德耀。奉天人。隸鑲白旗漢軍。康熙四年。知四

川大邑縣。自處節儉。爲政簡約。嘗單騎遍閱郊

原。度地開渠導水。俾民田悉資灌溉。闔邑獲豐

登之利。蜀地故多先賢祠墓。公暇尤加意葺修。

古蹟不致湮沒。民思其惠。久而不忘。五十年。入

祀名宦。

白登明。蓋平人。隸鑲白旗漢軍。知江南太倉州。

立衙蠹。地棍。賭博。奸淫。四禁。犯者必置之法。境

內肅然。奸民某通寇事覺。總督檄州捕之。某袖  
出一狀。某某皆其黨。凡州中巨室富家無或遺。  
登明知其誣。笑曰。若欲生乎。死乎。對曰欲生。登  
明曰。若非寇。何知某某皆寇黨。以若狀上。死無  
赦矣。某感悟。遂燬其狀。登明代爲申辨。州之大  
姓皆獲免。公暇。試諸生以地方利弊。纖悉畢陳。  
故摘發無不中。鄰邑有冤抑者。訴諸上官。願下  
州爲理。州田阜高。常賴灌溉。自劉河堙塞。苦潦。  
登明乃先濬朱涇。後及劉河。凡六十里。州及崑



嘉二邑。咸賴其利。

白允明。登明仲弟。以選貢得官。慨然曰。

國家肇基東土。從入關者。多以武功翼運。今天下

雖大定。然西南尙有逋寇。依託明藩。竊據雲貴。

侵擾川湖兩廣。兵革不息。正志士効命之秋也。

乃習韜鈴。精武事。順治十二年。以薦授雲騎尉。

十六年。隨擊僞都督楊文英等於楊子江口。大

捷。康熙十三年。逆藩吳三桂等叛。海寇亦乘機

窺伺江南。以將軍王之鼎薦。屢擢都督僉事。守